

latitudine capitis basali (cum oculis) circiter $\frac{1}{3}$ (σ) vel $\frac{1}{5}$ (φ) latiore, maris crassiusculo, feminae apicem versus sensim crassiore, articulis duobus ultimis capillaribus, pallide flavo-testaceis, simul sumtis secundo longitudine aequalibus. Pronotum basi longitudine circiter duplo latius, disco apicem versus vix vel parum declivi, postice transversim obsolete strigulosum. Hemelytra tota nigra, membrana nigricante, pulchre iridescente, venis areolisque nigris, his haud iridescentibus. Pedes nigri, apice femorum, tibijs anterioribus tarsisque omnibus flavo-testaceis; illis impunctatis, tibijs posticis nigris, apice obsolete testaceis; tarsorum posticorum articulo tertio secundo fere longiore.

Campylomma Verbasci H. SCH., p. 54, l. 3, supra, *adde*: *Phytocoris annulicornis* SIGN., Ann. Soc. ent. Fr. (sec. PUTON). *Orthotylus pellucidus* GARB., Hem. Et. It., p. 190.

Agalliastes, p. 60, inter ll. 3 et 4, *adde*: Tab. I, fig. 11.

Agalliastes Wilkinsoni D. et SC., p. 65, l. 2, infra, *adde*: *Plagiognathus (Agalliastes)* id. REUT. Hem. Gymn. Sc. et F. 206, 15. *Plagiognathus* id.

Agalliastes evanescens BOH., p. 67, l. 2, supra, *adde*: Praesertim in *Sedo* et *Sempervivo*, sec. DD. REIBER et PUTON.

Atomoscellis, p. 68, l. 6, supra, *lege*: *Atomoscelis*.

Atomoscelis onustus FIEB., p. 68, l. 6, infra, *adde*: Etiam in *Chenopodio* et in *Salsolaceis* praesertim ad littora maris, sec. D. DR PUTON.

Malacotes Mulsanti REUT., p. 70, l. 16, infra, *legitur*: *Hab.* in Gallia meridionali!; *lege*: *Hab.* in Gallia meridionali (Hyères!).

Plagiognathus, p. 71, l. 5, supra, *legitur*: margine pronoti, *lege*: margine pronoti basali.

Plagiognathus viridulus FALL., p. 75, inter ll. 22 et 23, *adde*: *Hab.* inter plantas varias per totum territorium.

Plagiognathus albipennis FALL., p. 81, l. 12, supra, *legitur*: albido, *lege*: albida.

Criocoris tarsalis REUT., p. 85, l. 6, infra, *legitur*: *Hab.* in Hungaria!, *lege*: *Hab.* in Austria (ad Viennam!).

Criocoris tibialis FIEB., p. 86, l. 2, infra, *legitur*: omnes dimidio basali summoque apice flavae; *lege*: omnes dimidio basali summoque apice nigrae.

Excentricus punctipes FIEB., p. 91, l. 2 infra *legitur*: divulsis, *lege*: divulsae.

Pag. 101 *adde*:

13. *Atractotomus Putoni* REUT.

Diagnosis: Oblongus, niger, pilis argenteis faciliter divellendis, nigro-pilosulus; antennis (σ) articulis duobus primis nigris, articulo secundo incrassato et ubique aequae crasso, duobus ultimis filiformibus, pallidis; vena membranae brachiali fusca, venis cubitali et connectente fusco-testaceis; extremo apice femorum tibiisque flavo-ferrugineis, his spinulis nigris hic illic e punctis nigris nascentibus, tibijs posticis basin versus fusco-ferrugineis, tarsis fuscis; verticis margine postico oculo circiter dimidio latiore. σ . Long. $3\frac{3}{4}$ — $3\frac{4}{5}$ mm.

Hab. in Gallia (Avignon!), D. DR PUTON (anno 1877).